

wagen warten / vnd also seinen vnschuldigen
 Tod vnd Mord anzeigen. Von disem Traum
 ward er erst bewegt / machte sich auff vnd gieng
 zur Pforten / vnd erwüschet den Wagen / fras
 get den Fuhrmann was darinnen stecket / oder
 was er führte / darvon er erschracke vnd hin
 weg flohe / da ist der entleibt herfür gezogen /
 vnd der Wirt vmb den Mord gestrafft vnd ges
 richtet worden.

Dergleichen Exempel werden vil von den
 Geschichtschreibern oder Historicis angezo
 gen vnd beschriben: Darumb dann die Römer
 also vil auff dise Weissagung vnd eröffnung
 fünffziger dinge durch die Traum vnd nächt
 liche Gesichte gehalten / das gebotten wurde /
 alles das / welches einem sonderlich geträu
 met / das ihn bedunckte den gemeinen nutz anz
 treffen / solte für den Obersten Rath gebracht
 werden.

Es ist auch diese Weissagung fünffziger
 dinge / vnserem Christlichen Glauben in kei
 nen weg entgegen oder zuwider / dieweil sol
 che Traum allein nüchtern / vernünfftigen
 vnd weisen Personen / die nicht mit Speiß /
 Tranck / allerley wollust vnd oppigkeit über
 laden seind / fürkommen: Dann was solchen
 groben / vnverständigen / vnhischen Leuten /

die